

# Katie Pettifer, Prif Weithredwr Dros Dro

Gwybodaeth am Brif Weithredwr yr Asiantaeth Safonau Bwyd (ASB).



[Cofrestrwch i gael negeseuon ein Cadeirydd a'n Prif Weithredwr dros e-bost neu diweddarwch eich dewisiadau tanysgrifio.](#)

Ymunodd Katie â'r ASB ym mis Gorffennaf 2021 a daeth yn Brif Weithredwr dros dro ym mis Awst 2024. Fel Prif Weithredwr, hi sy'n gyfrifol am reolaeth ac arweinyddiaeth gyffredinol yr ASB, ac am gyflawni'r strategaeth a osodir gan Fwrdd yr ASB. Cenhadaeth yr ASB yw "bwyd y gallwch ymddiried ynddo". O gofio hynny, mae'r ASB yn sicrhau bod bwyd yn ddiogel ac yn cyd-fynd â'r hyn sydd ar y label, ac mae'n helpu i wneud bwyd yn iachach ac yn fwy cynaliadwy. Mae Katie yn adrodd i Fwrdd yr ASB, a hi yw Swyddog Cyfrifyddu'r ASB, sy'n golygu ei bod yn atebol i Senedd y DU am wariant a pherfformiad yr ASB.

Yn ei rôl flaenrol fel Cyfarwyddwr Strategaeth a Chydymffurfiaeth Rheoleiddiol, roedd Katie yn aelod o dîm rheoli gweithredol yr ASB ac roedd hi'n gyfrifol am dimau strategaeth, cyfreithiol, cyfathrebu, llywodraethu a chyflawni prosiectau cyffredinol yr ASB. Bu hefyd yn arwain gwaith cydymffurfiaeth rheoleiddiol yr ASB, gan weithio gydag awdurdodau lleol i sicrhau bod busnesau bwyd yn cydymffurfio â'r gyfraith mewn perthynas â diogelwch a safonau bwyd. Bu hefyd yn gyfrifol am ddatblygu dulliau newydd ar gyfer y dyfodol drwy Raglen 'Sicrhau Cydymffurfiaeth Busnesau' yr ASB.

Cyn iddi ymuno â'r ASB, Katie oedd y Cyfarwyddwr Polisi Cyhoeddus yn Ofcom, lle bu ganddi ran fawr wrth lunio gwaith Ofcom ar faterion fel gwella cwrpas ffonau symudol a band eang ar draws y DU, a gweithio gyda'r llywodraeth ar reoliadau newydd i ddiogelu pobl rhag cynnwys niweidiol ar-lein. Gwnaeth hi hefyd noddi strategaeth cynhwysiant ac amrywiaeth Ofcom. Cyn hynny, treuliodd ddau ddegawd yn adrannau Whitehall, gan ddarparu cyngor polisi i weinidogion ar ystod eang o faterion polisi cymdeithasol. Mae hi wedi gweithio fel rhan o'r Uwch-wasanaeth Sifil yn y Weinyddiaeth Gyfiawnder, Swyddfa'r Cabinet a Swyddfa Gogledd Iwerddon.

## Areithiau diweddar

[Araith y Prif Weithredwr i Gynhadledd Bwyd Diogel Sefydliad Siartredig Iechyd yr Amgylchedd \(CIEH\)](#) – Dydd Gwener, 22 Tachwedd 2024